

右檢案內、太政官去延曆十九年十二月下式部省符傳、得省解傳、臺移傳給春秋祿日、不參五位及雜任六位已下既違勅例事、須准罪附考勘科者、今依移狀將科違勅所犯事輕贖銅還重、加以六位已下應至解官者、宜待後處分者、右大臣宣奉勅、若科違勅實復過重、宜施疎網以存懲肅、其犯違法令、宜處以恒科、若事違彈例、卽科違式罪、

延曆廿一年十月廿二日

割公廩充季祿

○按ズルニ、季祿ヲ賜フ時、彈正ノ非違ヲ檢察スル事ハ、尙ホ位祿篇ニ在リ、參看スベシ、
〔續日本紀光仁〕寶龜六年八月庚辰、太政官奏曰、伏奉去七月二十七日勅、如聞京官祿薄、不免飢寒之苦、國司利厚、自有衣食之饒、因茲庶僚咸望外任、多士曾無廉恥、朕君臨區寓、志在平分、思欲割諸國之公廩、加在京之俸祿、卿等宜詳議奏聞者、臣聞三代弛張、百王沿革、隨時損益、事在利人、伏惟陛下仁霑品物、德茂群生、愍庶僚之飢寒、均內外之豐儉、損彼有餘、補此不足、凡在動植、莫不霑潤、臣等承奉聖旨、喜百恒情、臣等商量、每國割取公廩四分之一、以益在京俸祿、奏可、

初任季祿

〔令義解祿四〕凡初任官者、雖不滿日、皆給初任之祿、謂初任者、無祿人入有祿也、不滿日者、計任後日、不足給例、卽遭喪解官、奪情從職者、通計前日給之、不同初任之例、

〔令集解祿二十三〕釋云、初任謂無祿入有祿也、和銅三年二月四日、太政官處分傳、初任者無祿人遷任有祿者、其有祿人轉任他司者、不入初任之例、案以理解任之徒復任者、依此處分、皆入初任之例耳、其初任者雖應滿日、猶給初任祿耳、何者、任應日滿、而不上一二日者、責重、不應滿而不上百日責輕、此其止姦之道、不等故、或說此計任後日、理然不足耳、若應滿不上者、不在給例、何者、法令止人姦濫故者、非今式部所行之例、一人帶數官、若雖高官日不足、而卑官日滿者、其祿從多給初任官者、雖无上日給初任祿也、案兵衛等合入初任官之例、何者、祿法既准宮人、又宮人散事、有位准少初位、无減布一端、注云、給徵之法、并准男、卽知男散位、亦可有給徵之、格云、國司遷任京官、身遭給祿之日、上日